

Wolffhart VI. von Brandis bittet Bischof Ortlieb von Chur, die Verleihung des St. Katharinenaltars in der Kapelle St. Florin in Vaduz an Ulrich Wackernell zu bestätigen.

Or. (A), Bischöfliches A Chur, 014.1539. – Pg. xx/xx cm. – Siegel von Wolffhart von Brandis fehlt.

l¹ ¶ Dem^{a)} ¶ hochwirdigen fürsten vnd herren, hern Orttlieben, bischoffen zu Chur,¹ l² minem gnedigen lieben hern, empût jch Wolffhart von Brann diss,² fry herre, min wil- lig l³ dienste vnd thûn ûwern gnaden zu wissent, das jch anstatt vnd innamen min selbz l⁴ vnd anndrer miner gebrûder als der elltist von Brann diss dem ersamen priester, hern l⁵ V̇lrichen Wackernellen, zaigere diss brieffs, den altaur ze Vadutz jn sant Florins l⁶ cappelle,³ der in der ere der hailigen jungkfrowen vnd martrerin sant Katherinen ge- wychet l⁷ ist, als ain lehen herr desselben altaurs vnd pfrunde vmb gottes ouch vmb singen vnd læsenswillen l⁸ gelichen vnd verlyhen hab. Hierumbe ist an ûwer gnad min ernstlich pitte vnd begêrung, l⁹ ir wellent den yetzgenanten hern V̇lrichen Wagkern[ellen]^{b)} den berûrten altâr vnd pfrund l¹⁰ confirmieren vnd bestêtigen nach ordnung der hailigen cristanlichen kirchen, wie sich denn l¹¹ das gepûrlichen haischen wirdet. Daz ich alltze vm[b]^{c)} dieselb ûwer genad beger zu ver- l¹² dienen. Geben vnd [mit]^{c)} minem aigen jnsigel besigelt, daz ich zu getzûgknuss diser sache l¹³ hieran hab laussen hengken, vff frytag nechste vor der hailigen dryer kûnig tag ge- l¹⁴ nant der zwelfft nach der gepurt Cristi, do man zalt tusent vierhundertt l¹⁵ vnd jn dem sibenund sibenntzigisten jauren.

^{a)} *Initiale D x cm lang.* – ^{b)} *Kleine Löcher im Pg.; Schrift stark verblasst.* – ^{c)} *Schrift stark verblasst.*

¹ *Ortlieb v. Brandis, 1458-1491.* – ² *Wolffhart VI. v. Brandis, 1426-†1477.* – ³ *Kapelle St. Florin in Vaduz.*